

Հասնիկ Բաղայան

ՍՏԵՓԱՆՈՍ ԲԱՀԱՆԱ ԵՎ ՍՏԵՓԱՆՈՍ ԻՐԻՑՈՐԴԻ ԴՐԻՉՆԵՐԻ ԳՈՐԾՈՒՆԵՈՒԹՅՈՒՆԸ ՍԿԵՎՌԱՑՈՒՄ 13-ՐԴ ԴԱՐԻ 60-90-ԱԿԱՆ ԹՎԱԿԱՆՆԵՐԻՆ

12-13-րդ դարերում կիլիկյան Հայաստանի մեծաստաններից որպես գիտական և մշակութային կենտրոն իր միաբաններով, վարդապետներով, մատենագիրներով ու ցեղապետներով, գրիչներով և մշակութային այլ գործիչներով առանձնացել է Լամբրոնի Ռայ իշխանների ակադեմիայի Սկևռա վանքը: Աղբյուրները վկայում են, որ Սկևռա վանքը գտնվել է Ռուպի բերդի անառ Լամբրոն¹, որը կիլիկիայի մշակավոր, ամսատույց ամրոցներից էր՝ պատմության մեջ Ռայոսի նեմրոն, Լամբրոն, Լամբրոն անուններով²:

ԺԲ և ԺԳ դարերի ձեռագրերի հիշատակարաններում Սկևռան բնութագրվել է որպես «մեծանուն անապատ», «մեծ ժողովարան», «հույակավոր անապատ», «յաստուածապառ սրբարան մեծ ուխտիս», «մեծ անուն սուրբ ուխտ», «սուրբ մեծաստան», «մեծ և հույակալոր ուխտ», «գերահույակ անապատ»³:

Կիլիկյան վանքերի՝ Արքակաղնի, Ակների, Դրազակի կողքին Սկևռան համարվել է «մանրամասն ակադեմիայի կենտրոններից»⁴:

Վանքը հույակված էր մասն իր հարուստ մատենադարանով, որը հիմնել էր Սկևռայի գրչության դպրոցի հիմնադիր Ներսես Լամբրոնացին:

Գիտական կյանքը մեծաստանում մոտ 200-ամյա պատմություն է ունեցել: Վանքում գրչության արվեստի հետ միաժամանակ զարգացել է մանրանկարչության և որմնանկարչության արվեստը:

Մեծ համբավ են ունեցել Սկևռայի ձեռագրատան վարպետները: Պատվիրատուներից շատերը փափագել են, որպեսզի ձեռագրերը ընդօրինակվեին հատկապես այնտեղի հույականուն գրիչների ձեռքով. «զի ի ձեռն գրչացն, որ անդ կատարեսցեն գլխափազն իրեանց գիրքեանք»⁵:

1260-90-ական թվականներին Սկևռայի գրչատանը աշխատել են վանքի միաբաններից Ստեփանոս անունով երկու գրիչներ: Ձեռագրական քննությամբ պարզվեց, որ Ստեփանոսներից մեկը իր ընդօրինակած ձեռագրերի հիշատակարաններում միշտ հիշվում է «ամենամեղ», «հոգեմամեղ» կամ «բազմամեղ քահանա Ստեփանոս», իսկ մյուսը՝ իր հոգևոր անվամբ՝ «մականուն իրիցորդի»: Ստեփանոս իրիցորդին, որ հիշվում է մասն որպես Ղուկաս քահանայի որդի, նույնացվել է ժամանակին ճանաչված գրչության վարպետ Ստեփանոս Գոյնեբերդիցանցի հետ: Այլիշանը գրում է. «Ստեփանոս Գոյնեբերդիցանց... կոռնակվի, որ երիցու որդի և ցեղ էր ... երիցս յիշեալ յանապատիս Արմենի ... համարիմ զնոյն Ստեփանոս իրիցու որդի, որ յամի 1274 ընդօրինակեք զգրուածս ինչ վարդանա

¹ Կ. Գանձակեցի, Պատմություն հայոց, Երևան, 1961 թ., էջ 63:

² Ալիշան, «Սիսուան», Վեներտիկ, 1885 թ., էջ 96:

³ Ե- ԺԲ դարերի հայերեն ձեռագրերի հիշատակարաններ, Երևան, 1988 թ., ԺԳ դարի հայերեն ձեռագրերի հիշատակարաններ, Երևան, 1984 թ.:

⁴ Կոմիտաս, Հոգևածներ և ուսումնասիրություններ, Երևան, 1941 թ., էջ 113:

⁵ Մատենադարան, թիվ 5784 ձեռ., էջ 355ա:

մեծի վարդապետի և գալոց ի սակս կեռամ թագուհու»⁶։ Պողարյամը ունի հետևյալ փոքրիկ նշումը. «Ստեփանոս քահանա, երիցորդի՝ ճշամավոր գրիչ Սկևռայի 1272-97 թուերում»⁷։

Հայ մատենագիտության մեջ Ստեփանոս քահանա գրիչ անունը Սկևռայի գրիչների անունների շարքում ընդհանրապես չի հիշատակվում։

Սակայն այս երկու գրիչներից մեզ հասած ձեռագրական ժառանգությունը /մոտ 18 ձեռագիր/, որոնց մեջ բացի սովորական ձեռագրերի պատվերներից հանդիպում ենք նաև արքունական պատվերների, խոսում է այն մասին, որ երկուսն էլ եղել են ժամանակի ճանաչված գրիչներից, աչքի են ընկել գրչական հմտությամբ և վարպետությամբ։

Տարբեր է երկու Ստեփանոսների գիրը։ Ստեփանոս քահանայի ընդօրինակած բոլոր ձեռագրերը գրված են միջին մեծությամբ համաչափ, վարժ թուրքգրով։ Ստեփանոս իրիցորդու ընդօրինակած ձեռագրերը գրված են և՛ թուրքգրով, և՛ մոտրգրով։

Ստեփանոս քահանայի գրչությամբ մեզ հասած ժառանգությունը մոտ 15 ձեռագիր է, որից 8-ը /2-ը թեմական/ պահվում են Մաշտոցի անվան Մատենադարանում և կրում են 630, 759, 2630, 3073, 3816, 5784, 6764, 8590 համարները։ Ստեփանոս իրիցորդուց հայտնի է ընդամենը երեք ընդօրինակում, որից մեկը Մաշտոցի անվան Մատենադարանի 780 ձեռագիրն է, մյուսը կրում է 499 համարը /մանրածապավեն, Երևան/, իսկ երրորդի մասին տեղեկանում ենք 1619 թվին ընդօրինակած ձեռագրում պահպանված գրչության ժամանակի հիշատակարանից։

Ձեռագրերը տարբեր թվանդակություն ունեն։ Ստեփանոս քահանան ընդօրինակել է Աստվածաշունչ /1/, Ավետարան /8/, Ծաշոց /1/, Մանրումունք /3/, Ստեփանոս իրիցորդին՝ Ավետարան /1/, Կյուրեղ Երուսաղեմացու «Կոչումն ընծայութեան» և Վարդան Արևելցու «Լուծմունք ի սուրբ գրոց ժղյանք կոչեցեալ» գործերը։

Ուշագրավ է Ստեփանոս քահանայի երաժշտական տետրերի ընդօրինակումը։ Սա վկայում է այն մասին, որ Սկևռան համարվելով «արվեստագիտ» գրչության և մանրանկարչության արվեստի, եղել է նաև մանրութաման կենտրոն, իսկ Ստեփանոս քահանան՝ ոչ միայն բեղմնավոր գրիչ, այլև երաժշտության հմուտ մասնագետ, ուսուցիչ։

Ստեփանոս քահանայի ընդօրինակությամբ մեզ հայտնի առաջին ձեռագիրը Ավետարան է⁸, գրվել է 1263 թվին «ի մեծ ժողովարանս Սկևռայի» «յառաջ-նորդութեան սուրբ ուխտիս տեառն Մխիթարա եպիսկոպոսի»⁹։ Այն գրվել է «սրբասեր քահանա» Հայրապետի խնդրանքով։ Հիշատակարանում գրիչը հիշում է իր ծերացած հորեղբորը՝ Թորոսին որպես «զսնուցիչ մեր»¹⁰։ Ձեռագիրը այժմ պահվում է Մատենադարանում և կրում է 8590 համարը։ 224ա էջում պահպանվել է մատյանը ոսկով դրվագողի հիշատակությունը. «Զոսկող սուրբ առետարանիս զԱղսեճդ սուտամուն արեղայս աղաչեմ յիշել ի Տէր»։ Ձեռագիրը նորոգվել է 1434 թվին Հովհաննես կրոնավորի կողմից¹¹։ 1451-ին այն «յոյժ փափաքանալք»

⁶ Ալիշան, Հայապատում, Վեներիկ, 1901թ., էջ 503։ Սիսում, էջ 96-7։

⁷ Պողարեան, Ցուցակ ձեռագրաց Երուսաղեմի, 1968 թ. հ. Գ, էջ 414։

⁸ Մատենադարան, թիվ 8590 ձեռագիրն ունի 11,5-8,5 չափեր, 246 թերթ։ Գիրը՝ թուրքգիր, գրությունը՝ երկսյուն՝ զարդարված կիսախորաններով և յուսանցազարդերով։ Նյութը՝ մագաղաթ։

⁹ Նույն տեղում, 242ա, բ։

¹⁰ Նույն տեղում, 241բ։

¹¹ Նույն տեղում, 243ա։

ստացել է Մղտեսի անվանված քահանային¹², իսկ վերջին ստացողն ու նորոգողը Սրապիոն սրբաներ անվանված քահանան է, 1598 թիվ:

1272, 1275, 1278 թվերին Ստեփանոս քահանան տարբեր պատվիրատուների խնդրանքով ընդօրինակել է Մանրումամբ:

1272-ին ընդօրինակած խազգրքի¹³ պատվիրատուն «պատվելի եղբայր» Գրիգոր քահանան է: Ձեռագիրը գրվել է ի հիշատակ Սկևռայի առաջնորդ Սիմեոնի: Ինչպես երևում է հիշատակարանից, Սիմեոնը եղել է Սկևռայի հոգևոր վարժապետներից. «իշատակ... առանել սնուցչին իւրոյ հոգեւոր տեառն և վարժապետի տէր Սիմեոնի»¹⁴:

1273-ին «ի սուրբ ուխտս Սկևռա» «քաջախանձար հոռետոր եւ սրբազան» Հակոբ կաթողիկոսի առաջնորդության և Հեթումի որդի՝ «աստուածասէր եւ քարեպաշտն» Լեոնի թագավորության շրջանում գրվել է մի Ավետարան: Այժմ այն գտնվում է Ստամբուլի Թոքգաբը պալատին կից Ահմետ Գ-ի անվան գրատանը, ոչ մասնեղական գրքերի բաժնի ցուցակում և կրում է 122 համարը:

Ձեռագրի մասին առաջին անգամ ընդհանուր գծերով արտահայտվել, քննել և ուսումնասիրել է Արամ Անդրեասյանը¹⁵: Ձեռագրի ընդհանուր նկարագրությունից երևում է, որ «Սկևռայի Ավետարանը» բավական շքեղ է, հարուստ՝ ճոխ մանրանկարներով, լուսանցազարդերով, խորանցերով /14 հատ/, ոսկեդրվագ և գունավոր զարդագրերով, 4 ավետարանիչների մանրանկարներով: Կազմի կաշին զարդարված է խաչերով, որոնց վրա կան թանկարժեք քարեր: Իշխում է ոսկին՝ զուգակցված գեղեցիկ գույներով: Ձեռագիրը գրված է նուրբ, լավ մշակված կիլիկյան մագաղաթի վրա միջին մեծության կանոնավոր բոլորգրով:

Ձեռագիրը գրել է Ստեփանոս «ամենամեղ» գրիչը: Հիշատակարանում հիշվում է ծաղկողի անունը՝ Հովասափ նկարիչ: Պատվիրատուն և ստացողը «հոչակատր ուխտիս Սկևռայի զարժանապատիւ» առաջնորդ տեղ Սիմեոն է, որը մեծ փափագով, «մածածախ պատրաստութեամբ հոգ տարեալ սուրբ մագաղաթի, և գեղապանծ գրով, արհեստակիտուած ոլորակաւք, բազմապայծառ զարդարաւք, սքանչելափառ խորանաց, ոսկեհաճանչ խառնուածքով, յոքներանգ ծաղկանց պճնապաճոյն հարիւնուածքով, ոսկեգիր դրոշմածիւք զտերումական անուանսն փառազարդեալ, վերընծայեաց սրբոյ տաճարիս ...»¹⁶:

Հավանաբար այս ընդօրինակությունը նույնպես Ստեփանոս քահանայի աշխատանքներից է:

1275-ին «ի հոչակատր ամապատս Սկևռայ» «բազմամեղ» քահանա Ստեփանոսը նորից ընդօրինակում է երաժշտական տեսք¹⁷: Հիշատակարանում պահպանված տեղեկությունները հնարավորություն են տալիս իմանալ ձեռագիրը գրելու համապատասխանը: Այն գրվել է Մսրի «անարեւն» իշխանի դեպի Կիլիկիա արշավանքների ժամանակ. «... ի թագաւորութեան Լեոնի՝ որդւոյ Հեթմոյ, յորում ըստ մեղաց մերոց զարդացեալ անարեւն իշխանն հարաւոյ ելեալ աշխարհս Կիլիկիեցւոյ բազում զարաւք և ի սուր տուների մաշեալ զքնակիչս զաւառիս և զքաղաքս և զգեաղս հրոյ ճարակ արարեալ և անթիւ բազմութիւն մարդկան ի գերութիւն վարեալ, բազում աւարաւ՝ ողջամղամ աշխարհ իւր դարձաւ:

¹² Նույն տեղում, 244բ:

¹³ Պողարեան, Ցուցակ եր. հ. ե, էջ 485: ԺԳ դարի հայ. ձառ. հիշ., էջ 420:

¹⁴ Նույն տեղում, 163ա:

¹⁵ Շողակաթ, 1966, էջ 94-98:

¹⁶ ԺԳ դարի հայ. ձեռ. հիշ., էջ 433-435:

¹⁷ Սյուրմեյան, Ցուցակ հայերեն ձեռագրաց Հայեպի Ս. Քառասուն մանկունք եկեղեցւոյ և մասնատրաց, Երուսաղէմ, 1935 թ., էջ 243: ԺԳ դարի հայ. ձեռ. հիշ., էջ 456:

Մնացեալքս ի լերինս և ի ձերպս վիմաց յաճէ աճարիմիս այսր-ամոր դեգերեալ՝ ալն ունելով ողորմութեան և խնամոցն Աստուծոյ»¹⁸:

Զեռագիրը գրվել է «պատվական քաճանա» Հովհաննեսի խնդրանքով իր որդու՝ Կոստանդինի համար, որին որդեգրելով փոքր հասակից հասցրել է քաճանայական աստիճանի և «կամեցաւ զի անմոռաց պահեսցէ զմա ի սրտէ, և փոխանակ աշխատութեան տրիտուր հատուցէ մեա մասամբք աղաւթից և պատարագաց»¹⁹:

«Ամենախնաստուն» քաճանայի՝ Ստեփանոսի համար 1278-ին «ի հոչակատր անապատս Սկեռայ» «բազմամեղ քաճանա և անպիտան գրիչ» Ստեփանոսը ավարտում է Մանրոսմունք-խազգիրքը²⁰: Հիշատակում է ստացողի հարազատ եղբայր Կոստանդինը, մորընծա քաճանա Կիրակոսին և Հովսեփ սարկավագին ու մրանց խնամող ու իսուցիչ «զպատկառելի քաճանայն ու զպատուելի ձերունիս Դաւիթ»²¹:

Մատենադարանի թիվ 639 և 759 ձեռագրերի գրչական և կառուցվածքային մանրությունները ենթադրում են, որ 630 ձեռագիրը 759 Մանրոսմունքի պատճեն է, գրվել է Սկեռայում Ստեփանոս քաճանայի ձեռքով²²:

Ստեփանոս քաճանայի հաջորդ ձեռագիրը Մաշտոցի աճվան Մատենադարանի 6784 համարը կրող Ավետարանն է²³: Այն ընդօրինակվել է 1283-ին «ի մեծանուն սուրբ ուխտս Սկեռայ» «ի հայրապետութեան տեան Յակովբա»։ Զեռագրի պատվիրատուն Հայոց «բարեպաշտ» Կեռան թագուհին է²⁴: Հիշատակարանում կա այն վկայությունը, որ գրության թվին՝ 1283-ին, «բարեմշան և բարեպաշտ անդրամիկ որդին արքայիս» Հեթումը ստացել է «ձիաորութեան աստիճան» և մերկայանում է որպես տեր Լամբրոնի՝ «աստուածապաճ որդեկիս և այլ շրջակա գավառացս»²⁵: Հիշատակարանը մնացել է անավարտ²⁶: Զեռագիրը գրված է լավ մշակված մագաղաթյա թերթերի վրա, աչքի է ընկնում ճոխ մանրանկարներով, խորաններով և կիսախորաններով, լուսանցազարդերով։ Գերակշռում է ոսկին՝ համադրված վառ գույներով։

Գրչագրում պահպանված հետագա հիշատակությունները վկայում են, որ այն մորթվել է 1357-ին Անիում պ. Ալիսի և ընդհա խաթունի կողմից «դառն և դժբնտակ և լանքարի» ժամանակ։ Նրանց կողմից ձեռագիրը դրվել է Անիի սուրբ Առաքյալ եկեղեցում²⁷: Այս հիշատակությունը վկայում է Ներսես գրիչը ՊԶ

¹⁸ Նույն տեղում, 114ա:

¹⁹ Նույն տեղում, 114ա:

²⁰ Մատենադարան, թիվ 759 ձեռ., ԺԳ դարի հայ. ձեռ. հիշ., էջ 483-484: Զեռագրի նկարագրությունը՝ թերթ՝ 93, մուրճ՝ մագաղաթ 14,5-10,5, գրություն՝ միասյուն, գիր՝ քուրդգիր, տող՝ 21: Մանրանկարչություն՝ կիսախորան, լուսանցազարդ: Պահպանակ՝ մագաղաթ 4, քուրդգիծ երկաթագիր, Ավետարան: Կազմ՝ կաշեպատ տախտակ, աստառ՝ դրոշմազարդ կտավ:

²¹ Նույն տեղում, 181բ:

²² Ա. Ամատունի, Ս. Էջմիածին, 1895 թ.: Ա. Մաթևոսյան, անտիպ աշխատանք:

²³ Մատենադարան, թիվ 6784 ձեռ., թերթ՝ 270, մուրճ՝ մագաղաթ 21,4-15,7, գրություն՝ երկսյուն, գիր՝ քուրդգիր, տող՝ 21, պրակ՝ 1-5/10, թ.դ.կ./11, ե-ը, ծ-մ/12, դ/5: Մանրանկարչություն՝ ավետարանիչ՝ 4, խորան՝ 2, կիսախորան, լուսանցազարդ: Կազմ՝ թավշապատ տախտակ արծաթյա շրջանակով:

²⁴ Նույն տեղում, 282բ:

²⁵ Հաջորդ ընդօրինակություններում գրիչը անպայման Հեթումին հիշում է որպես Լամբրոնի տեր:

²⁶ Նույն հիշատակարանը պահպանվել է ամբողջությամբ Մատենադարանի թիվ 8509 ձեռագրում:

²⁷ Նույն տեղում, 265ա:

/1357/ թվին: Ձեռագրի վերջին ստացողն է անապի Հակոբի որդի Օվակիմը: Ավետարանը մրա կողմից դրվել է Անապատի Ս. Ստեփանոս եկեղեցում «ի հայրապետութեան սուրբ Էջմիածնի տեանն Ղազար սրբազան կաթողիկոսին, թվին 1731»²⁸: Կան հիշատակություններ գրված 1563, 1615, 1897 թվերին:

Հաջորդ ձեռագիրը²⁹ Նոր Կտակարանի ընդօրինակությունն է 1285-ին «ի ձեռն Ստեփանոսի ամեմամեղ և անպիտան գրչի ու անարժան քահանայի... ի ժամանակս աստուածապաշտ, աստուածահաճոյ կրկին արքայի Լեւոնի որդւոյ Հեթմոյ՝ տերութեան աստուածապառ բերդիս Լամբրոնի»³⁰:

Ձեռագիրը Գևորգ Սկևռացի վարդապետի թելադրությամբ ստացել է «սրբա-սնունդ պատանի» խաչատուրը: Հիշատակարանի շարունակությունը պարզում է, որ գրվել է Ստեփանոս Գույներերիցանցի ձեռքով, խաչատուրը եղել է Գևորգ վարդապետի աշակերտներից. «առ որում կայր ի վարժ կրթութեան բանի և գրոյ ուսումնասէր դպիրն խաչատուր»³¹: Ստեփանոս Գույներերիցանցը շարունակում է. «Եւ դարձեալք յԱստուած խրախուսեալք իմով ձեռամբ Ստեփանոսի Գույներե-րիցանցի փցուն գրչի՝ ստացան զաստուածային գիրս սրբոց մարգարէից և զսրբագրուց ոմանց լեւոն հարիւր երեսուն եւ երեք /1283/ թուականի, ի մխիթա-րութիւն ինքեանց հոգւով... եւ ի յոյս բարեաց յիշատակի ստացողացն եւ աշխա-տողիս գրչի եւս...»³²: Ինչպես երևում է Ստեփանոս քահանայի հիշատա-կությունից, Ստեփանոս Գույներերիցանցը գրելու մյուսի հարցում օգնական է եղել. «աւգնական եղել ի միւս գրոյս»³³:

1280-ին Ստեփանոսը երկու ձեռագիր է ընդօրինակում, երկուսն էլ նկարազարդ Ավետարան: Առաջինը Մատեմադարանի թիվ 2630 ձեռագիրն է³⁴: Ստացողն է Թորոս քահանան, որն ուսումնասիրության փափագով Կոստանդնուպոլսից «ի գաւառէն, որ կոչի Ակոտան, ի բերդէն, որ կոչի Օիկան» պանդխտել է Կիլիկիա, շրջել անապատներն ու վանքերը և «առաքինութեան վարուք արժանի լեալ քահանայութեան աշտինճանի»³⁵:

Հաջորդ Ավետարանի ստացողն է «ամէնհիմաստ» քահանա Ստեփանոսը, մականունն Սէմեֆցի. «գի ըստ բարեյաւմար կամաց իւրոց, մեծաւ բաղձանալք ստացաւ զքառավտակ սուրբ աւետարանս»³⁶:

1293-ին Ստեփանոս գրիչը ավարտում է մի Ավետարան ևս, որը Մատե-մադարանի թիվ 5784 գրչագիրն է³⁷: Արքայականո սուրբ ուխտից ոմն վանական Հոհաննես կամենում է պատվիրել Ավետարան «ի յիշատակ և ի լրումն

²⁸ Նույն տեղում, 216բ, 267բ:

²⁹ Լույս 1906 թ., էջ 1219-20: Այիշան, Հայապատում Բ, էջ 496: ԺԳ դարի հիշ., էջ 617-18:

³⁰ Նույն տեղում, 1065բ:

³¹ Նույն տեղում, 822բ:

³² Նույն տեղում, 822բ:

³³ Նույն տեղում, 1065բ: Գրելու մյուսի հարցում օգնական է եղել «կին ոմն», որի անունը չի հիշվում /822բ/:

³⁴ Մատեմադարան, թիվ 2630 ձեռ., ԺԳ դարի ձեռ. հիշ., էջ 658-659: Ձեռագիրը «բազում աշխատութեամբ» կոստել է Կոստանդին ոսկերիչը /304ա/:

³⁵ Նույն տեղում, 355ա:

³⁶ Կյուլենքերեան, Ցուցակ ձեռագրաց Ամկիրիոյ Կարմիր վանուց և շրջակայից, Ամթիլիաս, 1861 թ., էջ 1338-39: ԺԳ դարի ձեռ. հիշ., էջ 659-60:

³⁷ Ձեռագրի նկարագրությունը՝ թերթ՝ 360, մյուս՝ մագաղաթ 28-18,5, գրություն՝ երկայուն, գիր՝ թուրքի, տող՝ 19: Մանրանկարչություն՝ տերունական՝ 9, ավետարանիչ՝ 4, խորան՝ 10, կիսախորան, լուսանցազարդ: Կազմ՝ թավշապատ տախտակ՝ կոստղապատ մետաղյա 4 անկյունազարդերով:

քրիստոսասանք ըղծից իւրոց»³⁸: Բայց անկատար է մնում ցանկությունը, վախճանվում է: Նրա հարազատներն ու սննդակիցներ Ստեփանոս փիլիսոփան և Գրիգոր քահանան «առեալ զհիթ պատրաստեալ յեղբարէն, եկին ի հոչակատր ուխտն Սկևռայ, զի ի ձեռն գրչացն որ անդ կատարեցին զփափաքն իրեանց գրութեամբ սուրբ Աւետարանիս»³⁹:

Ահա Ստեփանոս գրիչը կատարում է մրանց խնդրանքը. «ըստ տկար չափոյ ծերութեանս զառանցեալ տիոյ և պակասեալ պատշաճ պիտոյից այսր արուեստի»⁴⁰: Ինչպես հաստատում է հիշատակագրությունը, ավետարանիչների մկարները մկարել և ցանկերը գրել է Սիոն «նուստ քահանան» «Զյետին գծող ցանկիցս և զմկարող սուրբ անտարանչացն զՍիոն նուստ քահանան աղաչեմ յիշել»⁴¹: Խորհմանքը, կիսախորհմանքը, լուսանցազարդերը այլ մկարչի գործ են:

1295-ին ծերության հասակում ընդօրինակած Ավետարանի հիշատակարանում Ստեփանոսը հայտնում է, որ նույն թվի մկախճանվել է իր եղբայրը՝ Կոստանդինը՝ «սուգ անբերելի եթող մեզ»⁴²: Եղբոր որդիների՝ Հովհաննես քահանայի, Լևոն սարկավազի և Հովսեփ պատանու խնդրանքով «ի պակասեալ ամաց եւ ի զառանցեալ տիոց և ի ծերութեան հասակի» ավարտում է Ավետարանը «յիշատակ իցն եւ ծնողաց իմոց, եւ ի վայելումն յառաջասացեալ արեան մերձատրացս»⁴³:

Ստեփանոս քահանայի գրչին է վերագրվում Մատենադարանի թիվ 3816 գրչագիրը՝ «Մեկնութիւն Յովհաննու անտարանից Յովհաննիսի Ոսկեբերանի»⁴⁴: Ձեռագիրը քայքայված վիճակում է. սկզբից, միջից և վերջից թերի: Բացակայում է զլխավոր հիշատակարանը, բայց բոլոր զլուխների վերջում կան մեծ և փոքր հիշատակագրություններ: Ձեռագրի ստացողն է Բարսեղ քահանան: Գրիչը՝ «զմեղուցեալ գրողիկս» Ստեփանոսը խնդրում է ողորմությամբ հիշել ստացողին, «ծնողաց իւրոց և ամենայն եղբարց սուրբ ուխտիս Սկևռայի»: Սկևռայի հիշատակությունը և գրչության մամուլությունը թույլ է տալիս այս ձեռագրի գրիչ Ստեփանոսին նույնացնել Ստեփանոս քահանայի հետ:

Ինչպես մշվեց, Ստեփանոս Իրիցորդու ընդօրինակություններից է Մատենադարանի թիվ 780 գրչագիրը՝ «Կոչումն ընծայութեան Կիրդի Երուսաղէմացոյ»⁴⁵: Գրչության թվականը հիշատակված չէ: Հիշատակարանում գրիչը, որն իրեն անվանում է «մեղուցեալ գծալուս», «անարժան աշխատողս», խնդրում է ողորմությամբ հիշել ձեռագրի ստացողին՝ Կոստանդին քահանային, «ծնողաց իւրոց» և «ամենայն եղբարց սրբոյ մեծաստանիս Սկևռայիս և ծնողաց իւրեանց»⁴⁶:

³⁸ Նույն տեղում, 355ա:

³⁹ Նույն տեղում, 355ա:

⁴⁰ Նույն տեղում, 355բ:

⁴¹ Նույն տեղում, 278բ:

⁴² Սրվանձտյան Գ., Թորոս Աղբար Բ, Կ. Պոլիս, 1884 թ., էջ 343-44: ԺԳ դարի ձեռ. հիշ., էջ 753-4:

⁴³ Մատենադարանի թիվ 4825 ձեռագրի գրիչը Ստեփանոս քահանայի եղբորորդին է՝ Լևոն դայիրը: Նա ընդօրինակել է Գեորգ Սկևռացու «Մեկնութիւն Եսայեայ» գործը: Լևոնը հիշում է հորը՝ Կոստանդինին, որ «յայտ ամի հանգաւ ի Բրիստոս», հորեղբորը՝ «պատուական քահանա» Ստեփանոս գրչին, հարազատ եղբորը՝ Հովհաննես քահանային և «զայլ եղբարսն իմ և ծնաւոսն իմ»: ԺԳ դարի ձեռ. հիշ., էջ 751:

⁴⁴ ԺԳ դարի ձեռ. հիշ., էջ 649-51:

⁴⁵ ԺԳ դար ձեռ. հիշ., էջ 802: Ձեռագրի մկարագրությունը՝ թերթ՝ 352, մյուս՝ թուղթ, մեծություն՝ 29.4-17, գրություն՝ միասյուն, գիր՝ շղագրամման բոլորգիր, տող՝ 21: Պահպանակ՝ մագաղաթ 4, բոլորգիծ երկաթագիր, Ավետարան, կազմը՝ կաշեպատ տախտակ, աստառ՝ սև կտավ:

⁴⁶ Նույն տեղում, 251ա, 227բ:

Ձեռագիրը երկու գրչի աշխատանք է: Ստեփանոս Իրիցորդու ընդօրինակումը ԺԱ. պրակից է: Մինչև ԺԱ. պրակը գրել է Սմբատ գրիչը: Ծա էջից սկսած գրիչը փոխել է իր ձեռագիրը. սկսել է գրել մեծ բոլորգրով՝ ստորին լուսանցքում թողնելով հետևյալ հիշատակագրությունը. «Գրոցս տեղովն հրամանաւմ մեծցուցի զգիրս»⁴⁷: Գրիչը քարի հիշման է արժանավորում ստացողին և «յանգունեալ աստուածաւեր հօրն իւրոյ Յոհաննէսի քահանայի և բարեպաշտ մաւր իւրոյ»⁴⁸: Ձեռագիրը վերջին անգամ նորոգվել է 1692-ին /ՌՁԱ./, «Տեր Մինաս քաջ րարունապետի» կողմից, որը նաև ձեռագրի ստացողն է:

1297-ին «ի մեծ ժողովարանս Սկևռայ» Ստեփանոս Իրիցորդին ընդօրինակել է մի Ավետարան⁴⁹: Ձեռագրի ստացողը գրիչն է՝ «քազմամեղ և անարժան քահանան»: Գրչագրելու հանգամանքների մասին գրիչը գրում է. «Զի թեպէտ և ոչ էր արժամանակս ձեռնտու այսմ արհեստի ի քազում և ազգազգի վշտաց ի ներքին և յարտաքին թշնամեաց և ևս թեպէտ և զառանցեալ ախտք և պակասեալ ի զօրութենէ և ի պատշաճ պիտոյից, այսքան կարացեալ լույ զտեմչաճս իմ»⁵⁰: Ինչպես հիշվում է հիշատակարանում, Ստեփանոսի հայրն է Ղուկաս քահանան, մայրը՝ Թագերը: Հիշվում են նաև «զեղբարք սրբոյ մեծաստանիս Սկևռայի»: Ավետարանը հետագայում գնել է Թոքատի եկեղեցու երեցփոխանը ճույն եկեղեցու համար: Ասպատակությունների ժամանակ /թիվը հայտնի չէ/ կողոպտվում է եկեղեցին, թալանվում է նաև Ավետարանի արձաթապատ կազմը: 1498-ին Հովհաննէս քահանան, որը Չարխափան եկեղեցու քահանաներից էր, կազմում է Ավետարանը: 1653-ից ձեռագիրը գտնվում է Պալաթի Ս. Հրեշտակապետ եկեղեցում /Կ. Պոլիս/⁵¹:

Հայոց Կեռան թագուհու հրամանով Ստեփանոս Իրիցորդին ընդօրինակել է Վարդան Արեւելցու «Լուծմունք» ի սուրբ գրոց ժողանք կոչեցեալ» աշխատությունը⁵²: Գրության թվականը չի հիշատակվում: Այլիշանը Ստեփանոս Իրիցորդում ճույնացնելով Ստեփանոս Գույմերեքիցանցի հետ միան է վերագրել նաև այս գործը՝ թվագրելով 1274 թիվ⁵³:

Գրիչը խնդրում է արժանի աղոթքով հիշել «զսուրբ վարդապետն Վարդան» և ստացողին՝ մայր թագուհի ամենայն հայոց «զբարեպաշտ տիկինն և զխաչընդոս քարձօղն» Կեռանի⁵⁴:

13-րդ դարի 80-90-ական թվականներին կիլիկյան Սկևռա վանքում գործած Ստեփանոս քահանա և Ստեփանոս Իրիցորդի գրիչները իրենց շնորհալի ծառայությամբ մեծ ներդրում ունեն հայ մշակութային ժառանգության մեջ իրենց ընդօրինակությամբ մեզ ավանդած հիշյալ ձեռագրերով:

⁴⁷ Նույն տեղում, Ծա: Լևոն Խաչիկյանը Սմբատ գրչին ճույնացրել է Մատենադարանի թիվ 3412 ձեռագրի գրչի հետ և անթվական այս հիշատակարանը տեղադրել 1316 թվաշարքում: ԺԴ դարի հայերեն ձեռագրերի հիշատակարաններ, 1950 թ., էջ 123-4:

⁴⁸ Նույն տեղում, 71ա:

⁴⁹ Մանրածապավեն, թիվ 499, Երևան: ԺԳ դարի ձեռ. հիշ., էջ 801:

⁵⁰ Նույն տեղում, էջ 801:

⁵¹ Բանասեր, 1904 թ., հ. 1, 1905 թ., հ. 7:

⁵² Պողարեան, Յուզակ Երուսաղեմի, հ. Գ, էջ 414: ԺԳ դարի ձեռ. հիշ., էջ 419-20:

⁵³ Այլիշան, Սիսուան, էջ 96:

⁵⁴ Պողարեան, մույնը, 72ա, 24ա: